

Awadhi Easy-to-Read Version

Language: अवधी (Awadhi)

Provided by: Bible League International.

Copyright and Permission to Copy

Taken from the Awadhi Easy-to-Read Version © 2005 by Bible League International.

PDF generated on 2017-08-25 from source files dated 2017-08-25.

a1ae5774-2ca2-500b-8aeb-2c74229c4519

ISBN: 978-1-5313-1308-1

जकर्याह

यहोवा आपन लोगन क वापसी चाहत ह

१ दारा क राज्जकाल क दूसर बरिस क अठार्व महीना में, यहोवा क सँदेसा बेरेक्याह क पूत जकर्याह नबी क लगे आवा। (बेरेक्याह इहो क पूत रहा।) सँदेसा इ अहइ :

२ यहोवा तोहरे पुरखन पइ बहोत कोहान रहा।

३ एह बेरे लोगन स कहा : इ उहइ अहइ जउन सर्वसक्तिमान यहोवा कहत ह : “मोरे लगे वापस आवा अउर मई तोहार लगे वापस आउब।” इ उहइ अहइ जउन सर्वसक्तिमान यहोवा कहेस।

४ यहोवा कहेस, “आपन पुरखन क नाई न बना जेनका बीते भए समई मैं नबी उपदेस दिहेस। उ पचे केहेन, ‘सर्वसक्तिमान यहोवा चाहत ह कि तू पचे आपन बुरा रहन-सहन क तजि द्या। बुरा काम बंद कइ द्या।’ मुला तोहार पचन्क पुरखन मोर नाहीं सुनेन।” यहोवा इ सबइ बातन कहेस।

५ परमेस्वर कहेस, “अब तोहार पचन्क पुरखन कहाँ बाटइ ? का नबी हमेसा जिअत रहतेन ?

६ नबी मोर सेवक रहेन। मई ओनकर उपयोग तोहरे पचन्क पुरखन क आपन व्यवस्था अउर आपन सिच्छा देइ बेरे किहेस। आखिरकार तोहार पुरखन सिच्छा ग्रहण किहेन। उ पचे पस्चाताप किहेन अउर केहेन, ‘सर्वसक्तिमान यहोवा हमार मारग अउ कामन क अनुसार ठीक वइसा ही जइसा उ निर्णय किहे रहा, किहेस ह।’ इ तरह उ पचे परमेस्वर क लगे वापस लउटेन।”

घोड़न क दर्सन

७ दारा क दूसर बरिस क सबित क ग्यारहनें महीना क चउबीसवें दिन यहोवा क इ सँदेसा बेरेक्याह क पूत जकर्याह नबी क लगे आवा। (बेरेक्याह इहो क पूत रहा।)

८ रात में मई लखैँ कि एक मनई लाल घोड़े पइ सवार अहइ। उ एक घाटी में कछू मेंहदियन क वृच्छ क बीच खड़ा रहा। ओकरे पाछे लाल, भूरा अउ सफेद रंग क घोड़न रहेन। ९ मई पूछेउँ, “महोदय इ सबइ घोड़न क का मतलब अहइ ?”

सरगदूत जउन मोहसे बात करत रहा, मोका जवाब दिहेस, “मई तू पचन्क देखाउब कि ओकर का मतलब अहइ।”

१० एह बेरे मेंहदियन क वृच्छ क बीच रहत भवा मनई जवाब दिहेस, “इ सबइ यहोवा दुआरा धरती प गस्त लगाइ बेरे पटएस ह।”

११ तब उ पचे यहोवा क सरगदूतन जउन मेंहदियन क वृच्छ क बीच खड़ा भवा रहा केहेन, “हम पचे धरती गस्त लगाइ चुका अहइ। फुरइ समूचा धरती सान्त अउ सुख-चैन में अहइ।”

१२ तब यहोवा क सरगदूत कहेस, “हे सर्वसक्तीमान यहोवा, आप यरूसलेम अउ यहूदा क सहरन पइ केतना दिना तलक दाया नाहीं करब जेकर संग तू सत्तर बरिस तलक किरोधित रहा ह।”

१३ तब यहोवा नीक अउ सान्तिदायक सब्दन स उ सरगदूत क जवाब दिहेस जउन मोसे बात करत रहा।

१४ एह बेरे सरगदूत जउन मोसे बात करत रहा मोसे कहेस, इ घोसणा करा : सर्वसक्तीमान यहोवा इ कहत ह : “मई यरूसलेम अउ सिय्योन स बहोत पिरम अहइ।

१५ अउर मई ओन रास्टरन पइ बहोतइ कोहान हउँ जउन आपन क एतना सुरच्छित अनुभव करत हीं।

हालांकि मई कछू कोहाइ गवा हउँ, ओकर जगह उ सबइ रास्टर तोड़ा जियादा झेलस ह।”

१६ इसलिये, यहोवा इ तरह कहत ह : “मई दाया क संग यरूसलेम में लउटब।”

सर्वसक्तीमान यहोवा कहत ह, “यरूसलेम क निर्माण फुन होइ।

अउर हुआँ मोर मन्दिर स्थापित होइ।”

१७ सरगदूत कहेस, “लोगन स इ भी कहा : सर्वसक्तीमान यहोवा कहत ह,

‘मोर सहर फुन संपन्न होइहीं,

मई सिय्योन क आराम देब।

मई यरूसलेम क आपन खास नगर चुनब।”

सींगन क दर्सन

१८ तब मई ऊपर नजर उठाएँ अउर चार सींगन क दिखेँ। १९ तब मई उ सरगदूत पूछेस कउनो मोसे बातन करत रहा, “इ सींगन क अरथ का अहइ ?”

उ जवाब दिहेस, “इ सबइ उ सब सींगन अहइ, जउन इस्राएल, यहूदा अउ यरूसलेम क लोगन क रास्टन क बीच छितराइ दीन्ह गवा ह।”

२० तब यहोवा मोका चार सिल्पकारन क देखाएस। २१ मई ओनसे पूछेउँ, “इ सबइ का करइ बरे आवत अहई?”

उ जवाब दिहेस, “सींगन यहूदा क अइसा तितर-बितर कइ दिहे रहा कि कउनो आपन सिर न उठाइ सकी। परन्तु कारिगर ओका आतंकित करइ बरे अउ ओन जातियन क सींगन क काटन बरे आव ह जउन यहूदा लोगन देस क विरुद्ध आपन सींगन एह बरे उठाएस ह कि उ तितर-बितर हो जाइ।”

यरूसलेम क मापइ क दर्सन

२ १ तब मई आपन निगाह उठाएउँ अउर मई एक मनई क लखेउँ, अउ उ आपन हाथ मँ नापइ क डोरी लिए भए रहेन। २ तउ मई पूछेउँ, “तू कहाँ जात अहा?”

उ मोका जवाब दिहेस, “मई यरूसलेम क नापइ बरे जात हउँ कि उ केतँना लम्बा अउ केतँना चउड़ा बाटइ।”

३ तब उ सरगदूत जउन मोसे बातन करत रहा, चल गवा अउर ओसे बातन करइ बरे दूसर सरगदूत बाहेर आवत रहा। ४ उ ओसे कहेस, “दउड़िके जा, नउजवान स बात करा। अउर ओसे कहा यरूसलेम एतना बिसाल बाटइ कि ओका नापा नाहीं जाइ सकत। ओसे इ कहा,

‘यरूसलेम बगैर चहारदीवारी क सहर क नाई निवास करी

काहेकि हुआँ असंख्य लोग अउर जनावर रइहीं।’

५ यहोवा कहत ह,

‘एकर जगह पइ मई खुद ओकर चारिहुँ कइँती आगी क देवार रहब,

अउ मई ओकरे बीच मँ गौरव रहब।”

परमेस्सर आपन लोगन क घरे बोलावत ह

यहोवा कहत ह,

६ “उठा! उठा! उत्तर भूँइया स दउड़ जा।

काहेकि मई तू पचन्क चारिहुँ कइँती बिखेरेउँ।

७ सिय्योन क लोगो, तू पचे बाबुल मँ बन्दी रह्या।

मुला अब पराइ निकरा।

उ सहर स पराइ जा।”

काहेकि सर्वसक्तीमान यहोवा कहत ह (इ महिमा क मोका पठइ क पाछे) उ रास्ट्रन क बारे मँ जउन तोहका ल्टेस ह।

८ “उ तू पचन्क प्रतिसठा देइ क मोका पठाएस ह।

मुला ओकरे पाछे, यहोवा मोका ओनके खिलाफ पठइ।

काहेकि अगर उ पचे तू पचन्क चोट पहुँचइहीं तउ तउ यहोवा क आँखी क पुतरी क चोट पहुँचावइ क होइ।

ओन रास्ट्र आपन सम्मान पाएन।

९ काहेकि फुरइ मई ओन लोगन्क खिलाफ आपन हाथ उठाउब

अउर उ पचे आपन दास लूट लेइ जाइहीं।

तब तू पचे जान जाब्या

कि सर्वसक्तीमान यहोवा मोका पठाएस ह।”

१० यहोवा कहत ह,

“सिय्योन, प्रसन्न ह्या।

काहेकि मई आवति हउँ अउर मई तोहरे सहर मँ रहब।

११ उ समइ अनेक रास्ट्रन क लोग यहोवा क लगे अइहीं।

उ पचे मोर लोग होइहीं।

किन्तु सिय्योन, मई तोहार बीच रहब।”

तउ तू पचे जान जाब्या

कि जउन मोका तोहमाँ पठाएस ह

सर्वसक्तीमान यहोवा अहइ।

१२ यहोवा यहूदा क पवित्तर भूँइया मँ आपन निवासी बनाउब।

अउर उ फुन दोबारा यरूसलेम क चुनब।

१३ हे सब प्राणियन, यहोवा क समन्वा चपु रहा।

काहेकि उ आपन पवित्तर निवास स्थान स जागकर निकालेस ह।

महायाजक क बारे मँ दर्सन

३ १ तब उ मोका महायाजक यहोसू क दिखाया।

उ यहोवा क सरगदूत क समन्वा खड़ा भवा रहा। सइतान हुआँ यहोसू क जरिये कीन्ह गए बुरे करमन बरे दोख देइ बरे ओकर दहिना कइँती खड़ा रहा। २ तब यहोवा क सरगदूत कहेस, “सइतान, यहोवा तोहका फटकारइ। यहोवा जउन यरूसलेम क चुने रहा, तोहका फटकारइ। का इ मनई आगी स निकरा भवा बरत काटे क नाई नाहीं बाटइ?” *

३ यहोसू सरगदूत क समन्वा खड़ा रहा अउर ओकरे ओढ़नन गन्दा रहेन। ४ तब आपन निअरे खड़े भए दूसर सरगदूतन स सरगदूत कहेस, “यहोसू स गन्दा ओढ़नन क उतारि ल्या।” तब सरगदूत यहोसू स बातन किहेस। उ कहेस, “मई

* ३:२ का... बाटइ यहोसू हिआँ यहूदी जिलावतन क प्रस्तुत करत ह जेका (बारत काटे क नाई आगी स निकारा गवा रहा) उदैस क पूरा करइ बरे बचावा गवा रहा परमेस्सर क।

तोहरे अपराधन क छोरि लिहेउँ ह अउर मई तोहका नवा ओढ़ना देइउँ ह।”

५ तब उ कहेस, “ओकरे मुँड़ी पइ एक ठु साफ पगड़ी रखइ द्या।” यह बरे जब यहोवा क सरगदूत हुवाँ खड़ा रहा, उ पचे एक ठु साफ पगड़ी ओकरे मुँड़ी पइ रखेस अउर उ पचे ओका नवा ओढ़ना पहिराएन। ६ तब यहोवा क सरगदूत यहोसू स अधिकार क संग कहेन:

७ इ उहइ अहइ जउन सर्वसक्तीमान यहोवा कहत ह:

“अगर तू मोर आदेसन क पालन करब्या अउर ओन बातन क करब्या जेका मई आदेस दिहेउँ ह,

तउ तू मोर घरे पइ सासन करब्या अउर तू मोर मन्दिर क आँगन क अधिकारी होब्या।

अउर मई तोहका ओन लगोन मँ आवइ-जावइ देब्या

जउन हिआँ खड़ा अहइ।

८ हे महायाजक यहोसू, सुना!

तू अउर तोहका मीतन जउन तोहार समन्वा बइठा अहइ

इ बात क प्रतीक अहइ कि इ सबइ बात होब्या! सच ही, मई आपन सेवक क लइ आउव जउन ‘साख’ कहा जात ह।

९ उ पाथर हिआँ अहइ जेका मँ यहोसू क समन्वा राखेउँ।

इ पाथर मँ सात आँखन अहइ।

मई एह पई एक लेख खोदव।

एक दिना मई ओह भूईया प स पापन क खत्म करव”

सर्वसक्तीमान यहोवा इ सब कहत ह।

१० सर्वसक्तीमान यहोवा कहत ह,

“उ दिना तोहमाँ स

प्रत्येक आपन पड़ोसियन क

आपन दाख-लता

अउर अंजीर क बृच्छ क नीचे आमंत्रित करब्या।”

दीपाधार अउ दुइ जइतून क बृच्छ

४ १ तब ओकर पाछे जउन सरगदूत मोहसे बातन करत रहा, वापिस आएस अउर मोका जगाएस। मोका अइसा लाग जइसा कउनो क नींद जगाया जात ह। २ उ मोसे पूछेस, “तू का लखत अहा?”

मई जवाब दिहेउँ, “मई एक ठु टोस सोना क डीबट लखत हउँ। हुवाँ ओकरे सिरे पइ एक ठु

पिआला अहइ। पिआले मँ स सात ठु दीपक अहइ। इ सबइ दीपक डीबट पइ अहइ अउर उ सबइ नाली क जुड़ा भवा अहइ। ३ अउर दुइ जइतून क पेड़ पिआला क पीछे मँ अहइ एक ठु पिआल दाहिने तरफ अउर दूसरा पियाले क बाये तरफ अहइ।” ४ तब मई, उ सरगदूत स जउन पूछेस जउन तोह स बातन करत रहा, “महोदय, एन सबन्क अरथ का अहइ?”

५ तब सरगदूत जउन मोहसे बातन करत रहा जवाब दिहेस, “का तू नाही जानत्या कि इ सबइ चिजियन का अहइ?”

मई कहेउँ, “नाहीं, महोदय।”

६ तब उ मोहसे कहेस, “इ यहोवा क सँदेसा जरूबाबेल बरे बाटइ: ‘तोहरी सक्ति अउ प्रभुता स मदद नाही मिली। वरना तोहका मदद मारी आतिमा स मिली।’ सर्वसक्तीमान यहोवा इ सब कहत ह। ७ उ ऊँचे महान पर्वत, तू का अहइ? जरूबाबेल समन्वा तू एक समतल भूईया क नाई अहइ। उ मंदिर क बनाई। जब आखिरी पाथर इ पइ रखा जाइ तब लोग नरियाइ उठिहीं, ‘वाह केतना सुन्नर, वाह बहोत सुन्नर!’”

८ तउ यहोवा वचन मोर लगे आवा, ९ “जरूबाबेल क हाथन इ मंदिर क नींव पाथर राखब्या अउर ओकर हाथन इ मन्दिर क पूरा करब्या। हे लोगो तब तू पचे समुझब्या कि सर्वसक्तीमान यहोवा मोका तू लोगन क लगे पठएस ह। १० जउन कउनो भी जउन उ दिन क मजाक उड़ावत ह जब छोट स्तर पइ निर्माणकारी कार्य सुरू कीन्ह गवा रहा तउ जब उ पचे जरूबाबेल क हाथ मँ समारोह क पाथर जउन कि अन्तिम पाथर होइ तउ आनन्दित होइ। इ सात दीपक यहोवा क आँख अहइ। सचमुच भूईया पइ खोजइ बरे उ पचे आगे पीछे फिरत।”

११ तब मई ओहसे कहेउँ, “इ दुइ ठु जइतून क बृच्छ अहइ। एक दीपाधार क दाई अउर एक बाई कइती अहइ। इ सबइ का अहइ?” १२ मई ओहसे इ भी कहेउँ, “मई जइतून क दुइनउँ साखा सोने क रंग क तेल लइ जात, सोना क नलन क सहारे लखेउँ। एन चिजियन क अरथ का अहइ?”

१३ तब सरगदूत मोसे कहेस, “का तू नाही जानत्या कि एन चिजियन क अरथ का अरथ का बा?”

मई कहेउँ, “नाहीं महोदय।”

१४ एह बरे उ जवाब दिहेस, “इ दुइ अभिसिक्त कीन्ह भवा मनई क प्रस्तुत करत ह जउन कि समूच धरती क सुआमी क बगल मँ खड़ा अहइ।”

उड़त भवा गोल लपटा पत्रक

५ ^१मई फुन निगाह ऊँच किहेउँ अउर मई एक ठु उड़त भवा लपटा पत्रक लखेउँ। ^२सरगदूत मोहसे पूछेस, “तू का लखत अहा?”

मई जवाब दिहेउँ, “मई एक ठु उड़त भवा लपटा पत्रक लखत हउँ जउन तीस फुट लम्बा अउ पन्द्रह फुट चउड़ा अहइ।”

^३तब्बइ उ मोहसे कहेस, “उ लपटा पत्रक पइ एक सराप लिखा बा जउन पूरा धरती पइ फैलिही। लपटा पत्रक क एक कोना मैं लिखा अहइ, हर कउनो जउन चोर अहइ भेज दीन्ह जाब्या।” दूसर कईती लिखा भवा अहइ, हर कउनो जउन लवार प्रतिग्या करिही भेज दीन्ह जाब्या। ^४सर्वसक्तीमान यहोवा कहत ह, “मई इ सराप भेजेउँ ह। इ मोर नाउँ लेइके हर चोरन क घरे अउर ओन लोगन क घरे जउन गलत प्रतिग्या करत ह, घुसब। इ सराप ओकरे घरे मैं रहब अउर ओकरे घरे क पाथर अउ काठ दुइनउँ क बरबाद करब।”

मेहरारू अउ टोकरी

^५तब मोर संग बात करइवाला सरगदूत बाहेर आवा। उ मोहसे कहेस, “नज़र उठा अउ लखा। का तू जानत ह कि हमार कईती का अवात ह?”

^६मई कहेउँ, “इ का अहइ?”

उ कहेस, “उ मापक टोकरी अहइ।” तउ उ कहेस, “उ टोकरी समुचइ धरती क दोख क प्रस्तुत करब।”

^७तब टोकरी क ढकना जउन सीसा बना रहा उठावा गवा, अउर हुवाँ टोकरी क भितरे एक मेहरारू बइठी रहा। ^८अउर उ कहेस, “इ मेहरारू बुराई प्रस्तुत करत अहइ।” एह बरे उ ओका टोकरी मैं धकेल दिहस अउ सीसा क ढकना स ओकरे मुँहे बन्द कइ दिहस। ^९तब मई नज़र उठाएस अउ लखेस कि दुइ मेहरारूअन हमार कईती आवत हीं। उ सारस क नाई पखना रखेत रहा। उ पचे आपन पखनन क हवा क पड़करइ बरे फइलाएस। उ पचे टोकरी क लिए भए हवा मैं उड़त रहिन। ^{१०}तब मई सरगदूत स पूछेउँ कि कउन मोसा बात किहे रहेन, “उ पचे टोकरी क कहाँ लइ जात अहइ?”

^{११}उ मोहसे कहेस, “उ सबइ एका सिनार मैं लइ जात ह। हुवाँ उ पचे एक ठु घर बनाव। जब घर तइयार होइ जाइ, तउ उ पचे उ टोकरी क ओकरे जगह पइ धरिही।”

चार रथन

^१तब फुन मई घूमाएउँ अउ आपन निगाह क उठाएउँ अउर मई चार रथन क लखेउँ। उ सबइ कोस क दुई ठु पर्वतन क बीच स निकरत रही। ^२प्रथम रथ क लाल घोड़न हींचत रहेन। दूसर रथ क करिया घोड़न हींचत रहेन। ^३तीसर रथ क उज्जर घोड़न हींचत रहेन। ^४तब मई सरगदूत स पूछेउँ कि कउन मोस बात किहेस, “महोदय, एन चिजियन क तात्पर्य का अहइ?”

^५सरगदूत कहेस, “इ सबइ चारिहुँ दिसा क ह्वा क प्रतीक अहइ। उ सबइ सबहिं सारे संसार क सुआमी क हिआँ स आएन हैं। ^६करिया घोड़न उत्तर कईती जइहीं। लाल घोड़न पूरब कईती जइहीं। उज्जर घोड़न पच्छिम क जइहीं अउर भोरा धब्बादार घोड़न दक्खिन क जइहीं।”

^७तब ताकतवर घोड़न बाहेर आएन। उ सबइ धरती क गस्त लगाइ बरे उत्सुक रहेन। एह बरे उ ओनसे कहेस, “जा, धरती क गस्त लगावा।” एह बरे, उ पचे धरती क गस्त किहेन।

^८तब उ जोर स गोहरात भए कहेस, “लखा, उ सबइ जउन उत्तर कईती जात रहेन। उ सबइ उत्तर कईती मैं मोर आतिमा क सान्त कइ दिहन।”

याजक यहोसू एक ठु मुकुट पावत ह

^१अउर यहोवा क बचन मोर लगे आएस, उ कहेस: ^१“ओन लोगन स चाँदी अउर सोना ल्या जेनका बन्दी बना गवा अहइ। हेल्दै, तोबिय्याह अउर यदायाह स ल्या जउन बालेल स आवा रहा। अउर उहइ दिन सपन्याह क पूत योसियाह क घर जा। ^{११}सोना अउर चाँदी ल्या अउर एक ठु मुकुट बनाव। अउर उ मुकुट क यहोसादाक क पूत महा याजक यहोसू क मूँडे पइ राखा। ^{१२}अउर तू ओसा कहा, इ उहइ अहइ जउन सर्वसक्तीमान यहोवा कहत ह:

‘हिआँ एक मनई अहइ जेकर नाउँ “साख” अहइ। ओका साख कहा गवा काहेकि उ हुवाँ स जहाँ उ अहइ

साखा निकारब अउर यहोवा क एक मन्दिर बनाई। ^{१३}उ उहइ अहइ जउन यहोवा क मन्दिर क बनाई अउर उ उहइ अहइ जउन सम्मान पाई।

उ आपन राजसिंहासन पइ बइठी, अउ सासन करिहीं।

अउर हुवाँ ओकरे सिंहासन क बगल मैं एक ठु याजक होइ

अउर इ दुइनउँ मनई एक संग सदभवना क साथ काम करिहीं।

१४ उ मुकुट यहोवा क मन्दिर हेल्दै, तोबिय्याह, यदायाह अउ सपन्याह क पूत योसियाह बरे स्मृति चिन्ह होइ।”

१५ लोग जउन दूर रहिहीं यहोवा क मन्दिर क निर्माण करइ बरे आइहीं। तउ तू पचे समुझब्या कि सर्वसक्तीमान यहोवा मोका तू लोगन क लगे पठाएस ह। इ सब कछू घटित होइ जदि तू पचे यहोवा आपन परमेस्सर क ठीक तरह स पालन करब्या।

यहोवा दाया अउ करूणा चाहत ह

१ फारस मँ दारा क राज्जकाल क चउथे बरिस, जकर्याह क यहोवा क एक सँदेसा मिला। इ नउवे महीना (अर्थात् किस्लव) क चउथा दिन रहा। २ बेतेल क लोग सेरेसेर, रेगेम्लेक अउ आपन साथियन क यहोवा स एक टु सवाल पूछइ क पठाएस। ३ उ पचे यहोवा क मंदिर मँ नबियन अउ याजकन क लगे गएन। ओन लोग ओनसे इ सवाल पूछेन: “हम लोग कई बरिस तलक मंदिर क नेस्त नाबूद होइ क सोक मनाए अही। हर बरिस क पाँचवें महीना मँ, रोवइ अउर उपवास राखइ क हम लोगन क खास समइ रहा। का हमका एका करत रहइ चाही?”

४ तब सर्वसक्तीमान यहोवा क इ बचन मोह पइ आएस अउ कहेस: ५ “याजकन अउ इ देस क अन्य लोगन स इ कहा: ‘जउन उपवास अउर सोक पाछे क सत्तर बरिस स बरिस क पाँचवे अउ सातवें महीना मँ तू पचे करत आवत अहा का उ उपवास, सच ही, मोरे बरे रहा? नाही।’ ६ अउर जब तू पचे खाया अउ पिया, आपन बरे जिन खाया अउ पिया रहा। ७ का इ उहइ बचन नाही अहइ जेका यहोवा आपन पहिले क नबियन दुआरा उ समइ घोसना किहे रहेन जब यरूसलेम आबाद रहा, अउर अपन चरिहूँ कइती क नगरन सहित समृद्ध रहा, अउर जब नेगव सकेला अर्थात् नीचे क देस भी आबाद रहा?”

८ जब यहवा बचन जकर्याह आवा अउ कहा:

९ “इ उहइ अहइ जउन सर्वसक्तीमान यहोवा कहत ह:

‘जब तू निआव करी सही फइसला देइ।

एक दूसर बरे दयालु

अउ करूणा दिखावा।

१० राँइ अउरतन, अनाथन, बिसेसियन या दीन लोगन पइ

अत्याचार जिन करा।

एक दूसर क बुरा करइ क विचार भी हिरदइ मँ न आवइ द्या।”

११ मुला उ पचे अनसुनी किहेन।

उ पचे बिद्रोह किहेन

अउ आपन पीठ घुमाइ दिहेन।

उ पचे सुनइ स आपन कान बंद कइ लिहेन।

१२ उ पचे बड़का हठी रहेन।

उ पचे परमेस्सर क व्यवस्था क पालन करब नामंजूर कइ दिहेन।

आपन आत्मा क सक्ति स यहोवा नबियन क जरिये

आपन लोगन क सँदेसा पठाएस।

मुला लोग ओका नाही सुनेन,

एह बरे सर्वसक्तीमान यहोवा नबियन क जरिये आपन लोगन क सँदेसा पठाएस।

मुला लोग ओकर नाही सुनेन,

एह बरे सर्वसक्तीमान यहोवा बहोत कोहाइ गवा।

१३ “जब ओनका पुकारेउँ

उ पचे नाही सुनेन।

एह बरे ठीक इसी तरह मइँ भी

ओनका नाही सुनब जब उ मोका पुकारब्या।

यहोवा सर्वसक्तीमान परमेस्सर इ कहत ह।

१४ तब मइँ ओनका जातियन क बीच तितर-बितर कइ दिहेस।

उ पचे जेकर बारे मँ नाही जानतेन।

ओकर अनुपस्थित मँ भुईया क अइसा उजाड़ दीन्ह ग रहा,

ताकि न कउनो आ सकतेन अउर न ही कउनो जा सकतेन।

उ पचे इ सुहावना देस घटिया भुईया बनाइ दिहेन।”

यहोवा यरूसलेम क

आसीबाँद देइ क प्रतिग्या करत

१ फुन सर्वसक्तीमान यहोवा क बचन मोर लगे आएन अउ कहेन: २ इ उहइ अहइ

जउन सर्वसक्तीमान यहोवा कहत ह: “सिय्योन बरे मोका अत्यधिक जलन भवा। मइँ ओहसे

बहोत जियादा जलन करत हउँ।” ३ इ उहइ अहइ जउन यहोवा कहत ह: “मइँ सिय्योन क लगे

वापस आवत हउँ अउर मइँ यरूसलेम मँ रहबउँ। यरूसलेम बिस्सास सहर कहा जाइ। मोर पर्वत,

पवित्तर पर्वत कहा जाइ।”

४ इ उहइ अहइ जउन सर्वसक्तीमान यहोवा कहत ह: “एक बार फुन एक बूढ़ मनसेधु अउर

एक बूढ़ा मेहरारू यरूसलेम क चौराहे पड़ बइठब। लोग ऐतनी लम्बी उमर तलक जितत रहिहीं कि ओनके सहारे क छड़ी क जरूरत होइ।^५ सहर क चौराहे लरिकन अउ लड़िकियन स भरा होइ।^६ इ उहइ अहइ जउन यहोवा सर्वसक्तीमान कहत ह: “भले ही इ जितत लोगन क नज़र मैं असम्भव लगे, का एका मोर नज़र मैं भी असम्भव लगइ चाही? यहोवा सर्वसक्तीमान कहत ह।”

^७ इ उहइ अहइ जउन सर्वसक्तीमान यहोवा कहत ह, “लखा, मई पूरब अउ पच्छिम क देसन स आपन लोगन क बचाउब, ^८ अउर मई ओनका यरूसलेम मैं रहइ बरे लिआउब। उ पचे मोर लोग होइहीं अउर मई ओनकर बढ़िया अउ बिस्सास क जोगा परमेस्सर होबउँ।”

^९ सर्वसक्तीमान यहोवा कहत ह, “उ जउन इ सव्दन क नबी क मुँहे स सुन्या ह, सक्तीसाली बना! तू पचे उ नबियन स सुने रहा जउन जब सर्वसक्तीमान यहोवा आपन मंदिर क फुन स बनावइ बरे नेव डाएस। इ मन्दिर सर्वसक्तीमान यहोवा क अहइ।^{१०} अउर उ समइ क पहिले, हुवाँ लोगन क या जानवर क किराया पड़ लेइ बरे धन नाही रहा। हुवाँ दुस्मनन क कारण आवागमन सुरच्छित नाही रहा। कहेकि उ मई रहा जउन एक दूसरे क खिलाफ कइ दिहे रहेउँ।^{११} मुला अब मई वइसा नाही करब जइसा इ बचा भवा लोगन क संग बीते दिना मैं किहे रहेउँ ह,” सर्वसक्तीमान यहोवा इ सबइ कहेस ह।

^{१२} “काहेकि हुवाँ सान्तिपूर्वक खेती-बारी होइहीं। अंगूरे क लता फल देइहीं: भुइँया अच्छी पड़दावार देइ, अउ अकास आपन ओस देइहीं। मई इ सबहिं चिजियन लोगन क देव जउन जितत रहब।^{१३} हे यरूसलेम अउ यहूदा लोग, मई तोहका बचाउब। बीते समइ मैं तू लोग जातियन क बीच मैं सराप क उदाहरण बनि ग रहेन। मुला अब मई तू लोगन क जातियन क बीच मैं आसीबाद क उदाहरण बाउब। जिन डेराअ। सक्तीसाली बना।”

^{१४} फुरइ इ उहइ अहइ जउन सर्वसक्तीमान यहोवा कहत ह: “जब तू सबन क पुरखन मोका कोहाइ दिहन, मई ओन पड़ विपत्तियन लावइ क योजना बनाएँ, अउर मई आपन इरादा क न बदलेउँ।” सर्वसक्तीमान यहोवा इ सब कहत ह,^{१५} “ठीक उहइ तरह, अब मई यरूसलेम अउ यहूदा क लोगन बरे नीक करइ क योजना किहेउँ ह। जिन डेराअ।^{१६} मुला तू सबन क इ करइ चाही, एक दूसर क संग तोहका सिरफ फुरइ बोलइ चाही: जब

तू पचे आपन अदालतन मैं निर्णय ल्या, तउ लोगन क उचित निआव प्रदान करा।^{१७} अपन हिरदइ मैं दूसर बरे बुरा योजना जिन बनावे अउर लवार प्रतिग्या जिन करा। काहेकि मई ओन बातन स घिना करत हउँ।” यहोवा इ सबइ कहेस।

^{१८} सर्वसक्तीमान यहोवा क इ सँदेसा मोर लगे फुन आएन अउर कहेन: ^{१९} इ उहइ अहइ जउन सर्वसक्तीमान यहोवा कहत ह: “चउथे महीना पचाँए महीना सतएँ महीना मैं तोहार सोक मनावइ अउर उपवास क दिन यहूदा क लोगन बरे गावइ, अनन्द मनाव, अउ खुस होइ क होइ। एह बरे तू पचन्क सच्चाई क अउ सान्ति क पिरम करइ चाही।”

^{२०} इ उहइ अहइ जउन सर्वसक्तीमान यहोवा कहत ह:

“भविस्स मैं, जातियन अउ अनेक सहरन स लोग यरूसलेम अइहीं

^{२१} अउर एक सहर क निवासी दूसर सहर क निवासियन लगे जाइहीं, अउर कइहीं, ‘हम लोगन क सर्वसक्तीमान यहोवा क लगे परार्थना करइ बरे’

अउर ओहसे मदद माँगइ बरे अउर ओकर उपासना करइ बरे चलइ चाही।

दूसर मनई कहिहीं ‘मई भी आउब।’”

^{२२} अनेक लोग अउ अनेक सक्तीसाली रास्ट्रन यरूसलेम आइहीं अउ सर्वसक्तीमान यहोवा क उपासना करिहीं अउ उ पचे ओसे मदद मागिहीं।

^{२३} इ उहइ अहइ जउन सर्वसक्तीमान यहोवा कहत ह: “उ दिना मैं, अलग-अलग रास्ट्रन स अलग-अलग भाखन क बोलइया दस ठु मनई एक ठु यहूदी क कोट क पल्ला धरिहीं अउर कइहीं, ‘हम पचे तोहार संग आवइ चाहत हउँ, काहेकि हम पचे सुना ह कि परमेस्सर तू पचन्क संग अहइ।’”

दूसर रास्ट्रन क संग निआव

^१ एक ठु भविस्सबाणी: यहोवा क सँदेसा हदराक क देस अउ ओकर राजधानी दमिस्क क खिलाफ अहइ। इ सँदेसा इ बिदेसी देस क बारे मैं दीन्ह ग रहा। काहेकि न सिरफ इस्राएल क परिवार समूह बल्कि सबइ मानव जाति यहोवा क मदद बरे ओकरी कइती लखत अहइ।^२ इ भविस्सबाणी भी हामात क खिलाफ अहइ जउन हदराक क चउहदी मैं अहइ। इ भविस्सबाणी सोर तथा सीदोन क भी खिलाफ अहइ भले ही उ बहोत बुद्धिमान अहइ।^३ सोर एक ठु किला क नाई बना अहइ। हुआँ क लोग चौदी ऐतना बटोर लिहे

अहइ, कि उ धूलि क नाई सुलभ बाटइ अउर सोना
ऐतना साधारण अहइ जइसे माटी । ४ मुला अब
यहोवा ओकरे सबइ अधिकार क लेइ बरे जात ह ।
उ पचे ओकर सक्तीसाली नौसेना क नस्ट करी
अउर उ सहर आगी स नस्ट होइ जाइ ।

५ अस्कलोन मँ रहइवाले लोग इ सबइ घटना
क लखिहीं अउ उ पचे डेरइहीं । अज्जा क लोग
काँप उठिहीं अउ एक्रोन क लोग समूची आसा क
तजि देइहीं, जब उ पचे ओन घटनन क होब होत
लखिहीं । अज्जा मँ कउनो राजा बचा नाहीं रही ।
कउनो भी मनई अब अस्कलोन मँ नाहीं रही ।
६ अस्दाद मँ बहोत सारा लोग इ भी नाहीं जानिहीं
कि ओनकर पिता कउन अहइ, “अउ मई पलिस्ती
लोगन घमण्ड क हटाइ देब । ७ मई उ पचन्क मुँह
स उ पचन्क गोस क लइ लेब जेहमाँ खून अहइ ;
मई उ पचन्क क उ घृणित भोजन क लइ लेब
जउन ओकर दाँतन क बीच होइ । सबइ जिअत
बचा भवा प्राणियन मोर परमेस्सर स सम्बन्धित
होइ । तउ उ यहूदा क बंसज क नाई होइ जाब्या,
अउर एक्रोन क लोग यबूसी लोग क जइसा होइ
जाइ । ८ मई आपन मन्दिर पइ सिबिर लगाउब ।
मई ओकर रच्छा सिपाही ह रूप मँ ओन लोगन
स करब जउन आइ अउर हमला करइ बरे जाइ ।
कउनो अत्याचारी मोर लोगन क खिलाफ अउर
नाहीं बढ सकब, काहेकि मई ओका निहारत हउँ ।”

भविस्स क राजा

१ हे बिटिया सिय्योन, खुश ह्वा !
हे बिटिया यरूसलेम, आनन्द स चिल्लावा !
लखा, तोहार राजा तोहरे लगे आवत बाटइ ।
उ विजय पावइवाला नीक अहइ ।
उ विनम्र स गदहा पइ, एक ठु गदहा क बच्चा पइ
सवार अहइ ।

१० राजा कहत ह, “मई एप्रैम मँ रथन क
अउ यरूसलेम मँ घुड़सवारन क बर्बाद किहेउँ ।
मई जुद्ध मँ प्रयोग कीन्ह गए धनुसन क नस्ट
किहेउँ ।”

दूसर रास्टर सान्ति-सन्धि क बातन सुनेन ।
उ राजा सागर स सागर तलक राज्ज करी ।
उ नदी स लइके धरती क दूरतम जगहियन पइ
राज्ज करी ।

यहोवा आपन लोगन क रच्छा करी

११ यरूसलेम हम आपन वाचा क खून स मूरबन्द
किहेउँ ।

एह बरे मई तोहरे पचन्क बन्दियन क अजाद कइ
दिहेउँ, तोहार लोग अब सूनी जेल मँ अब
नाहीं रहि गएन ।

१२ बन्दियो, अपने घरे जा ।

अब तोहरे लगे आसा करइ बरे कछू अहइ ।

अजु मई तू पचन्क

दुई गुणा आसीबाँद देब ।

१३ यहूदा, मई तोहार पचन्क उपयोग एक धनुस-
जइसा करब ।

एप्रैम मई पचन्क उपयोग बाणन जइसा करब ।

इस्राएल, मई तोहार पचन्क उपयोग

यूनान स लइइ बरे मजबूत तरवार जइसा करब ।

१४ यहोवा ओह पइ परगट होइ,

अउर ओकर बाण बिजुली की तरह चलाई ।

यहोवा, मोर सुआमी तुरही बजाई ।

फउज मरुभूमि क तूफान क नाई आगे बढी ।

१५ सर्वसक्तीमान यहोवा ओनकर रच्छा करी ।

फउजी पाथर अउ गुलेल क उपयोग दुस्मन क
हरावइ मँ करिहीं ।

उ पचे आपन दुस्मनन क खून बहइहीं,

उ दाखरस जइसा बही ।

इ वेदी क कोनन पइ पेके गए खून जइसा होइ ।

१६ उ समइ, ओनकर परमेस्सर यहोवा

आपन लोगन क वइसेन ही बचाइ,

जइसे गड़रिया भेड़िन क बचावत ह ।

उ पचे ओकरे बरे बहोत मूल्यवान होइहीं ।

उ पचे ओनके हाथन मँ जगमगात रतन स होइहीं ।

१७ हर एक चीज नीक अउ सुन्नर होइ ।

हुआँ अद्भुत फसल होइ,

मुला हुआँ केवल अन्न अउ दाखरस नाहीं होइ ।

हुआँ युवक अउ युवतियन होइहीं ।

यहोवा क प्रतिग्यन

१० १ बसन्त ऋतु मँ यहोवा स बरखा बरे
पराथना करा । यहोवा बिजुरी पठइ अउ
बरखा होइ । उ हर एक मनई क खेत मँ अनाजन
उगाइ ।

२ मूर्तियन स प्राप्त कीन्ह गवा सँदेस बेकार
अहइ जादगर लबार दर्सन रखत हीं ; सपन दर्सी
व्यर्थ बात करत हीं ; उ पचे कउनो एक क भी आराम
नाहीं पहुँचाइ सकत । एह बरे परमेस्सर क लोग
भेड़िन क तरह एहर-ओहर भटकत अहइ अउर
ओनका राह देखावइवाला कउनो गड़रिया नाहीं ।

३ यहोवा कहत ह, “मई गड़रियन (प्रमुखन)
पइ बहोत कोहान अहउँ । मई ओन प्रमुखन क
आपन भेड़िन क (लोगन) देखरेख क जिम्मेदारी

सौंपे रहेउँ।” (यहूदा क लोग परमेस्सर क खरका अहइँ अउर सर्वसक्तीमान यहोवा, फुरइ, आपन खरका क देखरेख करत ह। उ ओनकर अइसी देखरेख करत ह, जइसे कउनो फउजी आपन घोड़ा क राखत ह।)

४ “कोन क पाथर, डेरा क खूँटी, युद्ध क धनुस अउ अगवा बाढ़त फउजी सबहिं यहूदा स एक संग अइहीं। ५ जुद्ध में उ पचे जोद्धन क समान होइ जउन दुस्मनन क गलियन क कींच में रौंद देत हीं। उ पचे युद्ध करिहीं, अउर यहोवा ओनके संग अहइ। एह बरे उ पचे घोड़सवारन क भी हरइहीं। ६ मइँ यहूदा क लोगन क सक्तीसाली बनाउब अउ मइँ यूसुफ क लोगन क रच्छा करब। मइँ ओनका वापिस लइ आउब काहेकि मइँ ओह पइ दाय्या महसूस करत हउँ। मइँ ओकर संग अइसा बेउहार करब जइसा कि मइँ कभी ओका नाहीं तजेउँ ह। काहेकि मइँ यहोवा, ओनकर परमेस्सर हउँ अउर मइँ ओनकर पराथना क जवाब देब। ७ एप्रैम क लोग जोद्धन क नाई होइ। उ पचे आपन हिरदइ में अइसा खुसी महसूस करब जइसा कि उ दाखरस स भरा गवा अहइ। ओनकर सन्तानन एका लखेहीं अउर उ पचे आनंद मनइहीं अउर ओनकर हिरदइ यहोवा में खुस होइ।

८ “मइँ ओनका सीटी दइके सबन क एक संग बोलाउब। काहेकि मइँ ओनकर रिहाई बरे धन देइ चुका अहउँ, उ सबइ लोग अनगिनत होइ जइहीं जइसा उ पहिले रहेन। ९ मइँ सबहिं रास्ट्रन क बीच में स ओका छिरताइ देब, मुला मोका दूर क देसन में याद करिहीं। उ पचे अउर ओनकर सन्तानन बची रहई। अउर उ पचे वापस अइहीं। १० मइँ ओनका मिस्र वापस लिआउब अउर मइँ ओनका अस्सूर में एकट्ठा करब। मइँ ओनका गिलाद अउ लबानोन क भूँइया में लिआउब अउर हुआँ ओन लोगन बरे काफी जगहिया नाहीं होइ।” ११ उ गुरांत भवा समुदर क पार करब अउ लहरन पइ चोट करब। तब नील नदी क सबइ घहरा भाग सूख जाई, अस्सूर क घमण्ड नीचा होइ जाई, अउ मिस्र सक्ति छीन लीन्ह जाई। १२ यहोवा आपन लोगन क सक्तीसाली बनाइ अउर उ पचे ओनके अउ ओनके नाउँ बरे जितत रहई। यहोवा इ सब कहेस।

परमेस्सर यहूदा क चारिहुँ
कइँती क रास्ट्रन क सजा देइ

११ लबानोन, आपन हुआर खोला, काहेकि
आगी भितरे आइ

अउर उ तू पचन क देवरारू क वृच्छन क बारि देइ।

२ साइपरस क वृच्छ रोइहीं
काहेकि देवदारू क वृच्छ भहराइ गएन।
बासान क ओक वृच्छ रोवा
काहेन जंगल जउन काटि डावा गवा।

३ रोवत गइरियन क सुना!

काहेकि ओनकर भव्य चरागाह तबाह कइ दीन्ह
गएन।

सुना! सेरन दहाइत हीं
काहेकि यरदन नदी किनारे क जंगल-झाड़ी नस्ट
कीन्ह गवा अहइ।

४ इ उहइ अहइ जउन यहोवा मोर परमेस्सर कहत ह: “ओन भेड़िन क झुण्ड क चरवाहा होइ जा जेनका बलि करइ बरे नियुक्त कीन्ह गवा रहा। ५ जउन लोग ओनका खरीद लेत हीं अउर ओनका जबह कइ देत हीं अउर उ सजा नाहीं पावत हीं। अउर जउन उ भेड़ियन क बेचत हीं कहत ह, ‘यहोवा क धन्य होइ काहेकि हम पचे धनी होइ गवा हउँ।’ ओनका आपन गइरियन ओह पइ दाय्या नाहीं करतेन ६ एह बरे मइँ इ देस में रहइवालन पइ कछु दाय्या नाहीं करब।” यहोवा कहत ह। “लखा, मइँ हर एक क ओकर पड़ोसी अउ राजा क हाथ पकड़वाइ देब। उ पचे ओकर भूँइया रौंद देइहीं, लेकिन कउनो एक क भी ओकर सक्ती स मुक्त नाहीं करब।”

७ एह बरे मइँ ओन भेड़िन क देखरेख किहेउँ, जेनका बलि करइ क वास्ते बेचइ बरे रहेन। सचमुच में मइँ ओन बेचारा भेड़ियन क चरवाही किहा तउ मइँ दुइ ठु छड़ियन लिहस: एक ठु छड़ी क नाउँ “अनुगृह” राखेउँ अउ दूसर छड़ी क नाउँ “एकता” राखेउँ अउर तब मइँ भेड़िन क देखरेख किहेउँ। ८ एक महीने में मइँ ओकरे तीनउँ गइरियन क हटाइ दिह रहा, काहेकि मइँ ओन स आपन धैर्य खो दिह रहा, अउर उ मोसे घिना भी किहे रहा। ९ एह बरे मइँ कहेउँ, “मइँ तू पचन्क अउर गइरिया नाहीं रहब। भेड़ जउन मरह ह, मरि द्या; भेड़ जउन नस्ट होइ बरे जात ह, नस्ट होइ द्या। भेड़ जउन बचिहीं, ओनका एक दूसर क गोस खाईके मरि जाई द्या।” १० तब मइँ अनुगृह नाउँ क छड़ी लिहेउँ अउर एक तोड़ दिहेउँ। मइँ इ बात क परगट करइ बरे किहेउँ कि सबहिं रास्ट्रन क संग परमेस्सर क वाचा टूट गइ। ११ एह बरे इ उ दिना तोड़ दीन्ह ग रहा। ओन बेचारे भेड़िन जउन मोर कइँती लखत रहिन, जान लिहन कि इ सँदेसा यहोवा क अहइ। १२ तब मइँ ओसे कहेउँ, “अगर इ तोहार नजर में ठीक बाटइ, तउ मोका मोर भुगतान करा; अगर

इ तोहार नज़र मैं ठीक नाही बाटइ, तउ मोका भुगतान जिन करा ।" एह बरे उ पचे मोका चाँदी क तीस टूकन मजदूरी क रूप मैं दिहने ।^{१३} तब यहोवा मोहसे कहेस, "उ बड़का धन क जेका उ पचे मोरे बरे कीमत ठेहराएस ह खजाना मैं डाइ द्या ।" एह बरे मई चाँदी क तीस टूकन क लिहेउँ अउर ओनका यहोवा क मन्दिर क खजाना मैं डाइ दिहेउँ ।^{१४} तब मई "एकता" नाउँ क दूसर छुड़ी क इ परगट करइ बरे कि इस्राएल अउ यहूदा क बीच क एकता टूटि जाई, तोड़ि दिहेन ।

^{१५} तब यहोवा मोहसे कहेस, "एक बार फुन मूरख गड़ेरिया क समान लइ ल्या ।^{१६} काहेकि मई इ भूँइया मैं एक गड़ेरिया नियुक्त करइ बरे जात हउँ । उ एक अइसा गड़ेरिया होब जउन खोया भवा क चिन्ता न करब, जउन जवान क न खोजब, जउन घायल क चंगा न करब, जउन तन्दुरुस्त क खाइया न खिलाव । एकर जगह पइ, उ मोटे भेड़िन क गोस्त खाउब, अउर जउन ओकरे खुरन क तोड़ देब ।"

^{१७} हे मोर व्यर्थ गड़ेरिया, कउन झण्ड क तजि दिहा !

तरवार क ओकर भुजा

अउ दाहिनी आँखी पइ चोट करइ द्या !

ओकर दाहिनी भूजा क झूरान होइ जाइ द्या !

ओकर दाहिनी आँखी क पूरी तरह स आँधर होइ द्या !

यहूदा क चारिहुँ कइँती क रास्ट्रन क बारे मैं दर्सन

१२ ^१ एक भविस्सबाणी : इ इस्राएल क बारे मैं यहोवा क सँदेसा अहइ : इ उहइ अहइ जउन यहोवा कहत ह, कउन आकसे क बनाएस, कउन धरती क स्थापना किहेस, कउन मनई क भीतर आतिमा क रचेस, ^२ "लखा, मई यरूसलेम क पिअइ क ज़हरीला पिआला बनाइ बरे जावत हउँ जउन कि ओकरे चारिहुँ कइँती क रास्ट्रन बरे मूसीबत झेलइ क कारण होइ । यहूदा क भी ओन रास्ट्रन क बीच जउन कि यरूसलेम क घेरत ह होवइ बरे मजबूर कीन्ह जाव्या । ^३ उ दिना मई यरूसलेम क सबइ जातियन बरे भारी चट्टान क नाई बनाउब । अउर जउन कउनो एका उठावइ क कोसिस करी जोर स चोट खाइ, अउर धरती क सारे रास्ट्रन यरूसलेम क खिलाफ होइहीं । ^४ यहोवा कहत ह, उ दिना मैं, मई हरेक घोड़न क डराउब अउर हरेक घोड़सवार क पागल बनाइ देब; किन्तु मई यहूदा क लोगन पइ धियान देब, अउर मई जातियन क सबइ घोड़न आँधर कइ देब ।

^५ तब यहूदा क प्रमुखन आपन आप स कहिहीं, 'यरूसलेम क निवासिन सर्वसक्तीमान यहोवा का करण मजबूत अहइ अउर उ ओकर परमेस्सर अहइ ।' ^६ उ दिना मैं, मई यहूदा क प्रमुखन क काठ मैं बरत भइ अंगठी, अउ बारत भवा अनाज क गुच्छा क नाई बनाइ देब । उ पचे आपन चारिहुँ कइँती क जातियन क नस्ट कइ देब साथ ही जउन ओकर दाहिनी तरफ अउ जउन ओकर बाइ तरह होइ । किन्तु यरूसलेम क निवासी फुन यरूसलेम क जगह पइ होइहीं ।"

^७ पहिले यहोवा यहूदा क परिवार समूहन क विजय दिलाइ, एह बरे दाऊद क परिवार समूह क महिमा अउ यरूसलेम क निवासियन क महिमा यहूदा क बंसज स जियादा होइ । ^८ उ दिना मैं, यहोवा यरूसलेम क निवासियन बरे ढाल होइहीं । जउन कउनो आदमी ओनकर बीच मैं दृढ़ता स रही उ दाऊद क समान बड़वार जोधा बन जाइ । लोगन क समन्वा, दाऊद क परिवार देवता क समान या यहोवा क आपन सरगदूतन क नाई होइहीं ।

^९ "उ दिना मैं, मई ओन रास्ट्रन क नस्ट करइ बरे रवाना होब जउन यरूसलेम क खिलाफ जुद्ध करइ बरे आवत अइहीं । ^{१०} मई दाऊद क परिवार पइ अउ यरूसलेम क निवासियन पइ महिमा क आतिमा अउ पराथना क उड़ेर देब । उ पचे मोर कइँती लखिहीं, जेनका उ पचे छेद डाए रहेन । उ पचे ओकरे बरे अइसा रोवइ जइसा उ अपने इकलौता पूत क मउत पइ रोवइवत ह । उ पचे अइसा गहिरा दुःख मैं होइ जइसा व्यक्ति आपन पहिलौटी पूत क मउत पइ रोवइवत होइ । ^{११} उ दिना मैं, यरूसलेम मैं विलाप बहोत भयंकर होइहीं, इ उ समइ क नाई होइ, जब मगिदो घाटी मैं हृदयमिन क मउते पइ विलाप होत रहेन । ^{१२} सम्पूर्ण भूँइया खुद ही विलाप करिहीं, अउर हरेक परिवार खुद ही विलाप करिहीं; दाऊद क परिवार खुद ही रोइहीं, अउर ओनकर पत्नियन खुद ही रइहीं । अउर ओनकर पत्नियन आपन आप ही विलाप करिहीं । ^{१३} लेवी क परिवार खुद ही विलाप करिहीं, अउर ओनकर पत्नियन आपन आप ही विलाप करिहीं; सिमाइ क परिवार क खुद ही विलाप करिहीं, अउर ओनकर पत्नियन आपन आप ही विलाप करिहीं । ^{१४} सबहि परिवार समूहन क हर कउनो जउन जिअत ह खुद ही विलाप करिहीं, अउर पत्नियन आपन आप स विलाप करिहीं ।"

१३ ^१ उ दिना, दाऊद क परिवार अउ यरूसलेम मैं रहइवाला लोगन बरे एक ठु सोता ओकरे

पापन बरे क धोइ देइ अउर लोगन क सुद्ध करइ बरे फूटब।

लबार नबी भविस्स मैं नाहीं

२ सर्वसक्तीमान यहोवा कहत ह, “उ दिना, मई धरती प स सबहिं मूर्तिंयन क नाउँ हटाइ देब। अउर लोग ओनकर नाउँ भी याद नाहीं रखिहीं। अउर मई लबार नबियन अउर असुद्ध आतिमा क इ भुईया स हटाइ देब। ३ जदि कउनो मनई भविस्सबानी करत ह तउ ओका सजा मिली। हिआँ तलक कि ओकरे माता-पिता, ओकर आपन महतारी अउर आपन बाप ओहसे कइहीं, तू यहोवा क नाउँ झूठ बोल्या ह। एह बरे तोहका मरि जाइ चाही।’ ओकर आपन महतारी अउर ओकर आपन बाप भविस्सवाणी करइ क कारण ओका छूरी भोक देइहीं। ४ उ समइ नबी आपन भविस्सवाणी अउर आपन दर्सन क खातिर लज्जित होइ जइहीं। उ पचे लोगन क धोखा देइ बरे रोंएदार चोगा नाहीं पहरिहीं। ५ उ सबइ लोग कइहीं, ‘मई नबी नाहीं हउँ मई एक किसान हउँ। मई बचपना स किसान क रूप मैं काम किहेउँ ह।’ ६ दूसर लोग कइहीं, ‘मुला तोहरे हाथन पइ धाव कइसे अहइ?’ उ कही, ‘इ चोट मोका अपने मित्तर के घरे लगी।’”

७ सर्वसक्तीमान यहोवा कहत ह, “तरवार, गड़रिया पइ चोट करा। मोरे मित्तर क मारा। गड़रिया पइ वार करा अउर भेड़िन पराइ जइहीं अउर मई ओन छोटन क सजा देब।” ८ सर्वसक्तीमान यहोवा करत ह, “पूरी धरती क दुइ तिहाई लोग हटाइ जाइहीं अउर उ पचे मरिहीं, मुला एक तिहाई लोग बचा रहिहीं। ९ मई इ एक तिहाई लोगन क आगी मैं डाइ देब। मई ओका उहइ तरह स सुद्ध करब जइसा चाँदी क सुद्ध कीन्ह जात ह। मई ओका अइसा परखब जइसा सोना क जाँचा जात ह। तउ उ पचे मोका आपन नाउँ स पुकारिहीं अउर मई ओका जवाब देब। मई कहब, ‘उ पचे मोर लोग अहा,’ अउर उ पचे कइहीं, ‘यहोवा मोर परमेस्सर अहइ।’”

निर्णय क दिन

१४ १ लखा, यहोवा क एक दिन आवत ह जब तोहार कीमती चीज तोहरे समन्वा तोड़ि जाइहीं। २ मई सबहिं रास्ट्रन क यरूसलेम क खिलाफ लड़इ बरे एक संग लिआउब। सहर पइ अधिकार कीन्ह जाब्या, घरन क लूट लीन्ह जाब्या, मेहररुअन क बलात्कार होब्या; आधा

लोग बन्दी क रूप मैं देस निस्कासन मैं जाइहीं, किन्तु बचा भवा लोग सहर स हटावा नाहीं जाब्या। ३ तब यहोवा जाब अउ ओन रास्ट्रन क विरुद्ध वइसा ही जुद्ध करब जइसा उ पहले किहे रहन। ४ उ दिना, उ जइतून क पहाड़ पइ खड़ा होइ, जउन यरूसलेम क पूरब अहइ। जइतून क पर्वत एक गहिरा घाटी क दुआरा दुइ ठु हीसा मैं पूरब स पच्छिम तलक बटि जाई। एह बर आधा पर्वत उत्तर कइती अउर आधा दक्खिन कइती बढ़िहीं। ५ जइसे-जइसे उ पहाड़ी घाटी तू पचन क निगचे आइ, तू पचे पराइ जाइ क जतन करब्या। तू पचे उहइ समइ क नाई पराब्या, जइसे तू पचे यहूदा क राजा उज्जियाह क सासन क समइ मैं भुइँडोल स पराइ ग रह्या। जब यहोवा, मोर परमेस्सर आइ, अउर ओकर सबहि पवित्तर ओकरे संग होइहीं।

६ उ दिना न गर्मी या न ठंडा या न ही पाला होइ। ७ उ लगातार दिन होइ। एक दिन जउन सिर्फ यहोवा ही जानत ह। हुवाँ न ही दिन होइ न रात। हुवाँ हमेसा उजियारा होइ हिवाँ तलक कि साँझ मैं भी। ८ उ समइ, यरूसलेम स लगातार पानी बही। उ धार बँटि जाइ अउर एक हीसा पूरब कइती बही अउर एक हीसा पच्छिम क भूमध्य सागर तलक जाइ अउर पूरे साल गर्मी अउर सर्दी मैं बही ९ अउर यहोवा उ समइ संसार क राजा होइ। यहोवा एक अहइ। ओकर नाउँ “एक” अहइ। १० समूचई भूईया गेब स लइके रिम्मोन तलक जउन यरूसलेम क दक्खिन कइती बाटइ, रब्बा मइदान क नाई सपाट होइ जाब। किन्तु यरूसलेम आपन ऊँचा जगह पइ ही बिन्यामीन दुआर स पहिले दुआर, (जउन कोना क दुआर अहइ) अउर हननेल क मीनार स राजा क दाखरस निकारइवाला तलक रहब्या। ११ प्रतिबंध उठाइ लीन्ह जाइ अउर लोग हुआँ आपन घर बनइहीं। यरूसलेम सुरच्छित होइ।

१२ मुला यहोवा ओन रास्ट्रन क सजा देइ जउन यरूसलेम क खिलाफ लडेन। उ ओनका भयंकर बीमारी लगाइ देइ। खड़ा खड़ा ओनकर बदन गलि जाइ। ओनकर आँखिन ओनके कोटरे मैं गलिहीं अउर ओनकर जीभ ओनके मुँहना मैं गली। १३-१५ उ खउफनाक बेरामी दुस्मनन क डेरन मैं होइ अउर ओनकर घोड़न, खच्चरन, ऊँटन अउर गदहन क ड खउफनाक बेरामी लागि जाइ।

उ समइ, उ सबइ लोग, फुरइ, यहोवा स डेरइहीं। उ पचे एक दूसर क गटइ दबइहीं। उ पचे एक दूसर पइ वार करइ बरे हथवा उठइहीं।

यहूदा क लोग यरूसलेम में जुद्ध करिहीं, मुला उ पचे सहर क चारिहुँ कइँती क रास्ट्रन स धन पइहीं। उ पचे बहोत जियादा सोना, चाँदी अउर ओढ़ना पइहीं। १६ अउर सबइ रास्ट्रन स बचा भवा कछू लोग जउन यरूसलेम क खिलाफ जुद्ध करइ अइहीं, हर बरिस उ पचे राजा क अराधना करइ बरे, सर्वसक्तीमान यहोवा क उपासना क करइ बरे जइहीं, कुटीर क त्यौहार मनावइ जाइहीं। १७ अउर अगर धरती क कउनो परिवार क लोग राजा क, सर्वसक्तीमान यहोवा क उपासना करइ यरूसलेम नाहीं जइहीं, तउ उ पचे बर्खा स बंचित होइ जाइहीं। १८ अउर जदि मिस्र क कउनो परिवार नाहीं उठिहीं अउर नाहीं आइहीं, तउ ओनका उहइ महामारी जउन यहोवा

दूसर रास्ट्रन बरे भेजे रहा जउन कुटीर क त्यौहार मनावइ बरे नाहीं आवत रहा, कस्ट पहोँचाउब। १९ इ सज़ा मिस्र बरे होइहीं अउर इ सज़ा उ समूचइ रास्ट्र बरे जउन कुटीर क त्यौहार मनावइ नाहीं आइ।

२० उ दिना, “यहोवा बरे पवित्तर” घोड़ा क घंटियन पइ भी खुदा होइ। अउर यहोवा क मन्दिर पकावइ क बर्तन वेदी क समन्वा रखा भवा पियाला क समान होइ। २१ यहूदा अउ यरूसलेम क हर बर्तन सर्वसक्तीमान यहोवा बरे पवित्तर होइ। जउन कउनो बलिदान चढ़ावइ बरे आइ ओनमाँ स लेइ लेब अउर ओह माँ ही पकाउव्या।

उ दिना, सर्वसक्तीमान यहोवा क मन्दिर कउनो बइपारी नाहीं होइ।